

雲南財政廳擬具整理財政議案

MG
F212.86
231




滇自二六政變原議順應潮流改革政治嗣以迭起政事致未實
現茲值

鈞府刷新政象組織整理內政會議以圖改進誠盛舉也職
就主管範圍內提出應行研議者七案呈請

鑒衡公決

一清丈田地先從報查入手俾易舉行案

按滇省田賦從未實行清丈科則既輕濫額尤夥今如實行
丈量並不加重科則濫出賦額必且十倍於前若再畧加科



則更不可以道里計但實行清丈事體重大手續繁難才財兩乏辦理非易然為整理田賦計似未便因噎廢食茲擬分為三步辦理其第一步先令各縣縣長督同村董頭目並派委員用宣傳方法認真挨村勸導責由各村農民自行報認溢額統由縣署註冊彙報即以所認之數為額照舊則科賦不事苛求以六個月為限限滿如不認報即係無意自認則責成各村村董頭人並派委員督同田地隣佑挨段擠查由縣註冊彙報亦即以所報之數為額照舊則科賦仍不苛求此

為第二步辦法亦以六個月為限限滿如村董頭目隣佑人等仍前玩視扶同隱匿延不查報則是有意抗拒應即實行丈量分項委員同時舉行即以丈出之數作為定額按照舊則分別科賦不容絲毫假借此為第三步辦法大可於一年限內極積籌備丈量時所需人才如此辦理則從容不迫必不致太感困難至於經費則從前永北改土丈量時已有先例可以仿行其法係由丈出溢額田地由官給照管業分別等則酌取照費及註冊手續費計其所入以之辦理清丈必

有盈無絀也詳細辦法俟議決實行再另規定茲姑不備

二整頓商牲屠稅案

查商稅年額共定壹拾捌萬零伍拾元現在征解之數統計尚不及半前經多方籌畫合全省之商稅雖劃為十六區征收而獨立征收之局又僅第一區商稅其餘十五區商稅之征解均仍暫由就近縣長兼攝此因征額較少者難於其間遼難單獨設局事實稍覺扞格尚非立法不善宜再畧予改進自能行之有效擬照原案除第一區商稅不議外仍將劃

定十五區每區設一稅局增定年額遴委專員征收報解惟商稅額少之局變通將縣署征收之牲屠稅酌提歸併事乃易舉其設局之俸公等級特又分而言之年額在一萬元以上者為上者為一等局月支俸給一百元年額在一萬元以上者為二等局月支俸給八十年額不及一萬元者為三等局月支俸給五十元該局所需公費不論等給統照征獲數准其坐支一成但在此整理中事權宜專障礙應除不擇外觀務振精神所有用人考核諸要端又非由財政廳負責一致切

實進行實難日起有功也抑更有進者各縣牲屠稅額年定
三十五萬七千四百五十六元三角九仙三厘近來征解短
縮比比皆是若不力加整飭原額幾不可保正供大受影響
勢必江河日下茲籌振舊圖新之策擬將各縣牲屠稅一律
提出再詳細考查其收數量增年額投標包辦庶有涓滴歸
公不但原額可以維持且年所增加為數定必不少姑舉扼
要以俟提議如採管見再行擬具詳細辦法呈核

三擬裁糖釐改收糖捐案

查各厘局征收糖厘多不給票名曰零星竟飽私囊計政府所得者不過十分之一二自不如廢除糖厘改征糖捐之為宜也蓋以滇省之大人氏之眾如一縣年銷糖八萬觔合現有一百縣計之年可銷糖八百萬觔本產尚虞不足所以舶來者甚夥今欲著手其事必防關稅之掣制宜舍厘稅名目特定為糖捐方能推行無阻至於糖之種類分為冰糖白糖紅糖三項冰糖價貴擬每百觔收捐二元五角白糖次之擬每百觔收捐二元紅糖又次之每百觔收捐一元五角姑以

是征率計算而又考之近時糖價不過百分而取其五歲若銷糖八百萬觔約可年收糖捐貳拾餘萬元此以最低度測之尚收小補之效若據各方之調查其收數又不止此他如征收方法則不外於產糖或輸糖進口之縣分設專局委員辦理也但設局若干每局定額若干章則如何規定考覈如何嚴厲又非體察情形斟酌至當未可輕率從事容俟提議果承可決再為縷晰計畫自不難底於成矣

四擬征外來洋酒公賣費案

查菸酒均為消耗品非人生日用所必需是以歐美各國俱加重稅率寓禁於征法至善也滇省輸入之外國菸酒逐年增加近來尤甚雖已上納關稅而於菸酒公賣費則未負擔殊失平衡之道即上年遞增菸酒稅費征率其結果僅加本省營菸酒業者之稅費而外來之菸酒迄未實行公賣費不啻為叢歐爵助長外來之菸酒銷路長此以往不惟政府年失大宗收入且恐本省之營菸酒業者無可競爭一落千丈亦非政府保護貿易之旨且現在本省庫帑奇絀非濬財源

何能稽柱除外來之捲菸已設特捐局辦理外擬將行銷滇
省之洋酒分別種類調查價值俟調查確實即責其照公賣
費定章一律上納百分之十之公賣費約計每年收入當在
十萬元以上惟此事有外交關係擬請於着手之初先由交
涉署與駐滇各國領事磋商勸其轉知外商就我範圍庶免舉辦
時發生障礙致難實行也

五擬修改厘金章程案

查滇省厘金定自前清光緒年間迄今已三四十年之久從

未修正以致厘章所載貨物詳畧失宜如昔日之所有者今已無矣今日之所有者而章則又未載其中或刪或增均應詳細另為厘定且百貨價值以今例昔天有不同有較前高過數倍者有較前過十數倍者而征收厘率仍相沿舊章殊非因時制宜之道查各國征稅通則大約以值百抽五為例本省現行通案凡為厘章所未載者均照貨估價征百分之五即值百抽五為例今修正厘章擬即以值百抽五為率至奢侈品類非人民日用所必需者則不妨多取擬定為值

百抽十寓禁於征之意如此規定每年厘金收數必可增加
但加增厘率商人不免橫生阻力是在政府毅力主持自能
收效至於調查百貨價值以及規定厘額另定考核及開支
薪俸等項俟奉

核准後再行分別另擬呈辦

六擬設專局征收川鹽厘金業

查滇省征收川鹽厘金計益井渡副官牛街鎮雄昭通五處
自民國七年開征每百觔征銀貳元十年加為每百觔征銀

卷九十五年加為每百觔征銀肆元在前均係儘征儘解自
十一年起始行定額蓋并渡定為年額玖萬元副官定為年額捌
千元牛街定為年額壹萬貳千元鎮雄定為年額捌千元昭通
定為年額壹千元共額拾壹萬玖千元此項蓋厘向由各該
處百貨厘局兼征報解查自十一年分定額起逐年實解數
均屬短少其中比較解款最多之年不過五萬餘元餘則僅
肆萬餘千元而十六年分更只報解壹萬柒千柒百餘元夫
食鹽為人民日用之所必需與其他貨物不同近來戶口日

漸加增其銷額應日漸推廣今各該局等報解之數竟如此短絀查其原因多半私收私放並不填票而各局又互相聯絡通同作弊圖飽私囊以致歷年皆短收甚鉅若不改良辦法則利之所在雖法令嚴厲亦難禁止按川鹽入滇道路以鹽井渡為要口其次則牛街再次則副官鎮雄至於昭通則係經過之局只要井渡稽查認真即無偷漏之虞現在改良辦法擬將各該厘局兼征之川鹽厘一律劃出於鹽井渡設立專局定名曰川鹽厘金總局特委專員辦理牛街副官鎮雄等

處各設分局隸屬於益井渡總局以一事權昭通係屬過道
無須再設分局用節糜費

七擬整理預征布厘全案

查此項布厘征率原定每紗一小捆征銀貳角當創辦之初
中外紗商紛紛請求核減嗣經

徐前司長為體恤商難計呈奉

前省長唐核准減收二成實合每紗一小捆征銀一角六仙
而章程內仍載征銀貳角現在洋紗暢銷商情穩固擬請仍

照原定征率每紗一小捆征銀貳角以符定章而裕收入以
上各條謹就管見所及錄呈以備

採擇

提出者雲南財政廳

55

107345

(D)